

UVODNIK

Pred vama je, cijenjeni čitatelji, šesnaesti broj časopisa *Znakovi vremena*. I ovaj broj nudi zanimljive i nadasve važne priloge kompetentnih autora. Želimo naglasiti da njihove odveć politicajne ideje i slobodna razmišljanja ne odražavaju nužno i stajališta same Redakcije.

U odjeljku Filozofija predstavljamo Vam Richarda Rortyja, univerzitetskog profesora humanističkih znanosti na Univerzitetu u Virginiji, “demistifikatora savremene kulture”, “osporavatelja svake forme filozofskoga idealizma”, “pobornika filozofije relativizma i neopragmatizma”, čije će ideje snažno utjecati na filozofsko-kritičku artikulaciju suvremenog svijeta.

Dva teksta iz odjeljka Religijske teme uvode nas u krajnje važne islamske antropologijske teme. U prvome se govori o nemogućnosti suvremenoga čovjeka da, zbog rigorozne razdvojenosti intelekta i razuma, stekne adekvatnu spoznaju o Bogu kao počelu ili jedinoj Realnosti. U drugome nas A. Fatić podsjeća na Qur'ansko određenje čovjeka kao stvorenog bića (insan) koji je po svojoj naravi sposoban transcendirati ovaj svijet i otvoriti se za najvišu Zbilju.

Odjeljak Religija i društvo sadrži tri teksta koji, u najširem smislu te riječi, govore o društvenoj odnosno historijskoj angažiranosti islama kao vjere i specifičnoga svjetonazora. Tu posebno izdvajamo tekst J. Esposita i Malika Badrija. Prvi govori o izazovima sekularizma za islam i muslimanski svijet u dvadesetome stoljeću, a potonji o značaju islamske duhovnosti za očuvanje mentalnoga zdravlja modernog čovjeka.

Potom slijedi odjeljak Kritička čitanja u kojemu donosimo veoma interesantan tekst F. Lačević koji govori o H. G. Gadameru, jednom od najutjecajnijih filozofa prošloga stoljeća. Autorica nastoji da, povodom smrti Gadamera (umro 14. marta 2002. godine), kritički osvjetli njegovo razumijevanje suvremenoga svijeta posebno Evrope i njene paradigme življenja.

U Ogljedima objavljujemo zanimljive i za našu društvenu i političku praksu značajne tekstove I. Grbe i R. Dupljaka. Prvi Bosnu i Hercegovinu danas kritički razmatra iz konteksta evropskog tumačenja ljudskih prava, a drugi iz ugla karakterizacije rata u našoj zemlji od 1992.-1995. godine.

Odjeljak Refleksije posvećen je kritičkom razumijevanju američke odnosno zapadne liberalne demokracije. U tom sklopu N. Slater i E. Said govore o Americi i američkome materijalizmu koji je inficirao život američkog čovjeka u onolikoj mjeri kao i u većem dijelu suvremenoga svijeta.

U odjeljku Ekonomija i društvo objavljujemo poticajan tekst F. Hadžića o pravcima odnosno strategiji ekonomskog razvoja Islamskih zemalja.

Svesku završavamo prikazima knjiga *Duhovnost i mentalno zdravlje* (priredili Osman Sinanović, Rešid Hafizović, Izet Pajević) u izdanju "Svjetlosti" iz Sarajeva, odnosno *Muslimani u dijalogu s drugima i sa sobom - svetopovijesne i hijeropovijesne paradigme* autora Rešida Hafizovića, u izdanju "El-Kalema" iz Sarajeva.

Adnan Silajdžić